

常恐有驚奔 攀緣念念起 為過在心揀
 遺形忘善惡 塞兌閉諸根 生死是對報
 諒自因爾身 若然辯存歿 寂滅即歸真
 出生乃差別 入死甚平均 地水火風散
 隨處自相親 天地為大治 無意在人人

計校受生理 非果亦非因 攝心修內行
 悟道不盈旬 馳心向外境 幽昧無涯津
 凡諸功德藏 以讚嘆為首 方便接迷津
 惡惡能善誘 積善為福田 積惡成殃咎
 假名本自無 權變何常有 顛倒不覺悟

昏迷東日夕 怖畏於地獄 煎懲生受苦
 吾開定水源 洗除習塵垢 身心既清淨
 永劫無灰朽 昔聞持戒者 忍辱生端正
 今得見天尊 非言所歌詠 八十一好明
 七十二相淨 玉潤金剛身 永劫無衰盛

丹唇如欲開 皓齒因斯映 音聲自柔軟
 慈悲出本性 慈源猶憂篇 定心如水鏡
 此由持戒來 證果為大聖

太上洞玄靈寶往生救苦妙經

太上洞玄靈寶救苦妙經

三經同卷

- 太上洞玄靈寶救苦妙經
- 太上洞玄靈寶天尊說濟苦經
- 太上洞玄靈寶淨供妙經

嚴四

太上洞玄靈寶救苦妙經

爾時救苦天尊徧滿十方界常以威神力救
 拔諸眾生得離於迷途眾生不知覺如盲見
 日月我本太無中拔頰無邊際慶雲開生門
 祥煙塞死尸初發玄元始以統祥感機救一
 切罪度一切厄渺渺起仙源蕩蕩自然清昔
 承大道力以伏諸魔精空中何灼灼名曰泥
 凡仙紫雲覆蒼老名三寶君還將上天氣
 以制九天竟救苦諸妙神善見救苦時天上
 混無分天氣歸一身皆成自然入自然有別
 體本在空洞中空洞跡非跡徧體皆虛空第
 一委氣立第二順氣生第三成萬法第四主
 光明天上三十六地下三十六太玄無邊際
 妙哉大洞經歸命太上尊能消一切罪
 東方玉寶皇上天尊 南方玄真萬福天尊

西方太妙至極天尊 北方玄上玉宸天尊
 東北方度仙上聖天尊 東南方好生度命天尊
 西南方太靈虛皇天尊 西北方無量太華天尊
 上方玉虛明皇天尊 下方真皇洞神天尊
 道言十方諸天尊其數如沙塵化形十方界

普濟度天人委氣聚功德同聲救罪冤罪鬼
 實可哀我今說妙經念誦無休息躡身不暫
 停天堂享大福地獄無苦聲火弱成清暑劍
 樹化為雲上登朱陵府下入開光門超度三
 界難徑上元始天於是飛天神王無執數眾
 瞻仰尊顏而作頌曰

天尊說經教 引接於浮生 勤修學無為
 悟真道自成 不迷亦不荒 無我亦無名
 朗詠罪福句 萬徧心垢清
 爾時飛天神王及諸仙眾說是頌畢稽首
 天尊奉辭而退

太上洞玄靈寶救苦妙經
 宣和甲辰秋池州城下景德禪院有僧童
 莫道祖偶緣母親傾逝追慕不已日誦本
 教經薦薦用酬同極之恩至秋末有太平

州田功曹宣教到院安下母見功曹常以天樞法救人疾若能退攝死鬼以詰升沈道祖見其靈異遂具狀申陳乞行拯拔其官人受狀判押燒令神將去即時退攝道祖母氏到壇前問曰你兒道祖日夕誦經退擢尚竊冥司如何母對曰雖得吾兒道祖念經報薦其誠志未孚若作六六功德幽冥普復靈已妾即得超生是時若男若女數百餘人咸罹痛苦功曹復問曰何謂六六答云黃錄水陸道祖泣告曰自幼捨慈親依棲梵刹身計未成何緣有力為大因果母曰不然但志心轉誦道教有太上救苦經及持念太乙救苦天尊御號冥司簡奏上天功即應聲至矣又曰冥司限促不敢久留乃作禮謝而去道祖即告功曹求受太上救苦經及天尊號日夜虔誠兼而誦之各積千徧具疏焚化是夜母親見夢於道祖曰汝今不負鞠育之恩誦經持號誠格高真蒙上帝符命我已得生天矣自後無復見汝

汝宜自勉力勿忘正教言訖乘雲冉冉而去忠翊郎添差池州監押趙子傑述

正一天師清微弟子 洪百堅 製作
道教學術資訊網站

太上洞玄靈寶天尊說濟苦經
天尊言我窮乎無窮極乎無極我有七道之法曰隱光曰處光曰隱相曰明隱曰隱變曰隱真曰大德歷化世間觀察眾生鍊其善惡若男若女能崇我法精進信敬行坐念道恒持齋戒著淨衣服清潔之所晝夜燒香依時禮拜供養十方行道吟誦讚歎諸聖月直長齋日日不闕是人若遭病困痛苦無療及在繫閉并諸婦人臨產不分當為誦此七道名字呪請於我我則尋聲將徒眾乘空而來徑赴是家救拔病人退其遊魂令還本身則得除愈若在牢獄厄難之中亦令枷鎖解脫若有婦人難產便得易產復於宅中有諸穢惡浮遊病鬼邪魔魍魎毒氣魑魅無辜虛耗驅除遠去呪詛盛道姑忌赤口違違本主動作觸犯受其過尤我使侍童玉女衛護其家常居福慶老命更延年益壽諸善附體萬惡冰消一心信受奉行自然得獲道真
天尊言我法行化以為信者勤身受持誦誦如是道民我恒圍衛愍其鍊行能敬道法為